

大日本史

一

第 函 第 架
册 〇 五 一
六 五 歴 和

		和 書 門	
一 五 〇	二 〇 二	五 三 八	二 〇 二 五 八
册	架	函	號
		類	

庫 文 閣 内		和 書	
三 八 二	一 九 〇	二 〇 二 五 八	
函	册	號	類

内 閣 文 庫	
番 號	和 20258
册 數	150 (101)
函 號	138 105



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大日本史卷之二百

無論公卿大夫士之志第

三原皇孫轉胤權中納言從三位源光圀以修

其用意入命又七代孫權中納言從三位齊昭補

其後實於古而八代孫權中納言從三位慶篤校

其後氏族一而

氏族之制所以敘尊卑正人倫而其所從來

至深遠矣天祖馭極照臨八表聖子神孫繼

繼承承天日之嗣與天地而悠久則光華明

靈之德、雖千萬年猶一日也、當時翼衛輔贊之神、皆列在祀典、陟降左右、執萬靈之禍福、其子孫雖盛衰不一、而有時而大興、纂修前烈、則精神流通、一氣無闕、所以扶植天明、民彝者、實終古而無渝也、故自垂仁允恭諸帝、皆用意人倫、及延曆弘仁朝、校勘萬姓、甄錄三別、皇裔神胤、於是乎大明矣、蓋振古以來、無論公卿將帥之家、下及國郡牧宰、夫孰有非三別之裔者乎、故天下曉然知天皇非地

生之倫、神器嚴重、不可以人力而覬覦也、尊卑有常、而等威不犯、上下一心、而風俗淳厚、寶祚之隆、與天壤而無窮者、豈非以是故也哉、而今詳覈其本末、則歷世之久、其制不能無沿革也、夫開闢以降、天子無姓、萬世一統、而皇族神胤、或治國縣、或掌品部、天子迺因事命以氏姓、子孫相承、敘其世職、姓之與官無殊也、大化改制、盡廢舊職、新設百官、而官姓始分矣、至天武朝、新作八姓、以定姓族之

尊卑、氏姓之法、於是始變矣、至弘仁、天長、以後、則皇族賜姓者、不出乎源平二氏、非如古者各賜別氏、以敘其族者、其法至此又少變矣、自外戚顯權、而藤原氏、橘氏、世顯於朝廷、自武人得勢、而源氏、平氏、日雄於國郡、四氏族類、竟蕃衍於海內、而當時豪族、爭占據郡鄉、分植子弟、各因其地、以爲家號、不復關朝制、氏姓之法、終大變亂矣、及足利、倍畔、天下鼎沸、士離桑梓、家喪譜牒、其誤認他姓、妄攀

華胄、牽強傳會、以誣其祖者、不可稱計、且以異姓承家、爲一世之俗、法家所禁、概乎不行矣、逆人倫之序、絕天性之道、民風之所以偷薄、世道之所以陵夷、其源皆繇乎此、可勝慨哉、夫明倫而察物、反本以類族、王政之所重焉、有志於復古者、不可置而不論也、今所傳姓氏錄、雖非完本、猶足以考淵源、廼據其書、參諸羣籍、定其可識者、撮要刪煩、序自開國、至明德、作氏族志、

天祖立皇孫瓊瓊杵尊為葦原中國之主、詔
 天兒屋命、天太玉命、天鈿女命、天明玉命、石
 凝姥命陪從侍衛焉、謂之五部神、又使天押
 日命、天津久米命統領部兵、以飭戎備、初天
 窟之變、石凝姥造日像鏡、天明玉造御統玉、
 天鈿女作舞樂、天太玉備幣物、天兒屋致祈
 禱、俱翼戴天祖、以定天業、至此亦各帥部屬、
 以修其職、天兒屋為中臣連祖、天太玉忌部
 首祖、天鈿女猿女君祖、天明玉玉作連祖、石

凝姥鏡作造祖、而天押日之後、為大伴連、天
 津久米之後、為久米直、品部官姓之源、始見
 于此、參取日本書紀、古事記、太祖既定天下、大
 封功臣、始有國造縣主之號、及垂仁朝、又有
 縣造、是時物部石作部賜姓曰連、土師部曰
 臣、鳥取部曰造、氏姓之法、自是而定矣、參取日本書紀、古事記、舊事本紀、姓氏錄、及序、景行帝
 諸皇子、受封者七十餘人、日本書紀於是又有和
 氣、○和氣又作別君、稻置之號、與國造縣主竝立、古

記成務帝更分割國縣、而賜國造者、增至一百四十餘族、日本書紀、舊事本紀、若其品部、歷朝建置甚衆、號為百八十部、諸部之長、命以造姓、謂之伴造、故當時舉內外臣僚、概稱曰臣連、伴造國造、姓有尊卑、以定品秩、而臣姓出於皇胤、連姓出於神裔者、舉其尊屬、以任國政、號曰大臣、大連、詳見職官志、凡大小諸氏、各以其族相聯屬、分領部曲、世敘姓族、以事朝廷、若部長有罪、或貶其姓、或奪其部曲、以賜有

功者、其命氏賜姓、蓋猶中世建職官也、參取日本書紀、古事記、舊事本紀、姓氏錄大意、及允恭帝時、姓族漸蕃、諸

氏往往有偽冒者、帝憂之、四年詔曰、上古之治、人民得所、姓族無愆、頃者諸氏人或誤失已姓、或故認貴族、由是上下相爭、百姓不安、朕雖不明、豈不正其錯、羣卿其宜議定具奏、羣臣咸曰、陛下舉失正枉、甄明氏姓、以求至治、臣等敢不勗諸、又詔曰、羣卿百寮及諸國造、皆言帝皇之胄、天降之胤、然三才剖判、多

歷年所是以一氏蕃衍、更為數姓、其實難明、
 諸氏人等其宜齋戒沐浴、為盟神探湯、乃設
 探湯瓮於味檀丘、諭曰、真者獲全、偽者必害、
 於是衆各就瓮探湯、或全或傷、果如所諭、詐
 者愕然不肯進、氏姓自定、爭者始息、日本紀先
 是垂仁帝以皇子伊登志和氣王無子、為置
 伊都部、以為子代、古事記○按伊登志、日本
 按伊都部疑當作伊登志、日本紀伊登志、日本
 部書紀有膽年部蓋是也、景行帝錄日本武
 尊之功、定武部、日本紀仁德帝以八田皇后無

皇子、置矢田部、舊事本紀為多遲比瑞齒別皇子
 置丹治比部、為御名代、古事記至帝亦為忍坂
 大中姬皇后定刑部、為木梨輕皇子定輕部、
 自是後累世多置子代、御名代、標代之民、若
 雄略仁賢二帝、取其宮名、定長谷部、石上部、
 清寧武烈二帝、以無皇嗣、取其御名、定白髮
 部、小泊瀨部、安間帝為其三妃、置小墾田櫻
 井等屯倉及田部、日本紀餘見本紀、諸部率以
 貴戚名族為伴造、蓋當時之俗、以傳名號於

大日本史
 卷
 志

後世為榮、故伴造既以其部號為氏、又分其部民、占居國縣、亦以名其地、而土地部民、遂為其私有矣。參取日本書紀、舊事本紀大意、凡歷世之久、舊族大姓、雖間有盛衰、而概皆世官世祿、不墜其祖業、至推古帝十一年、始定冠位十二階、日本書紀然特設以分尊卑耳、非有加階之制、但是後官姓漸分、其賜氏姓、有不由職制者也。參取日本書紀、二十八年、皇太子厩戶與大姓錄大意、臣蘇我馬子議、撰天皇記、國記及臣連伴造

國造百八十部公民等本記、及蘇我氏滅、其書罹災、孝德帝大化元年詔、凡人民有所憂訴者、其伴造尊長宜先勘當、然後奏之、若伴造等不審所訴者、以其罪罪之、又詔、歷世天皇定標代之民、垂名于後世、而其臣連伴造等、各置私民、恣情驅使、或又掠地婪財、爭奪不已、大為民害、諸如此類、自後宜禁斷、二年詔、罷歷世天皇所置子代之民、所在屯倉及別和氣也、○按別即臣連伴造國造村首所領部曲

大日本書紀

卷

志

一

之民、尋詔、臣連伴造國造、分其品部、爲御名、
代部、復以其部民雜處國縣、遂使父子易姓、
兄弟異宗、夫婦更互殊號、一家分裂、爭訟競
興、國家因此不治也、自今以後、宜廢品部、悉
爲公民、但不識朕意者、或謂假借王名爲伴
造、襲據祖名爲臣連者、其名必由是泯滅、然
帝王之號、將隨日月遠流、祖宗之名、必共天
地長存、且以王名被土地、妄相稱呼、理所宜
慎焉、朕今告汝等、凡其臣連伴造諸氏人等、

自其祖宗、世服事朝廷者、自今以後、將盡革
舊職、新敘官位、自是官姓判然、分而爲二矣、
三年詔、臣連伴造國造、或以神名、王名爲氏
姓、率土之民、各因其色、固執彼此、人心不整、
至其拙弱者、以己姓號、妄付人人、以爲賂遺、
故有入他奴婢穢汚清名者、自後宜革此弊、
日本書紀自國記罹災、諸氏或失根源、強狡者更
倍僞說、會船史惠尺得燼餘、本獻之、天智帝
卽位三年、詔就其書造戶籍、人民氏姓各得

其宜姓錄序謂之庚午年籍世世相傳以

為程式解令義蓋以其為氏姓之根本過人民

姦欺也續日先是甲子歲敕定諸氏氏上大

氏氏上賜大刀小氏氏上賜小刀伴造等氏

上賜干盾弓矢及天武帝立敕族姓不明者

雖有行能不得預考選又詔凡諸氏有氏上

未定者宜速定以申送於理官又其族類最

衆者各分定氏上申送以承官判至十二年

詔始作八等姓以賜諸氏一曰真人二曰朝

臣三曰宿禰四曰忌寸伊美吉五曰道師按

蓋藥師六曰臣七曰連八曰稻置日本真人

為皇別之上氏錄序其賜朝臣者命以大刀

宿禰以小刀忌寸以賜秦漢蕃族古語拾遺

仍舊紀帝時諸氏皆賜新姓而是後其族猶有

貫之族也然其詳帝初欲以八姓悉改易天

下族姓然有未遑及者故諸氏猶有君廢帝

改為首造縣主直村主史王按王讀為捷

皇族稱王即自別勝祝伎使主我孫吉志

等姓日本紀、書紀、續日且其敘尊卑大率因當

年之勞而不原天降之績神胤舊族尚有不

列上等者拾遺古語唯其法制大定貴賤分明自

是後臣民有功勞者則陞其姓以尊其族有

罪則或貶或奪有同氏而異姓者有同族而

無姓者其無姓者為雜戶賤隸雜戶賜姓者

為公民又有氏上又曰氏長氏助戶主等法以糾

其族支屬可疑者申官削籍斟酌日本書紀以下正史大意

令天下諸氏每一代各上本系帳以藏于官

日本紀序弘故天下姓族久而不亂矣持統帝

五年敕大三輪雀部石上膳部春日下毛野

大伴紀阿部穗積阿曇等十八氏上其祖先

纂記日本紀初自上世來諸名族各建祠祭其

祖神謂之氏神合其族類號為氏人念祖之

意太厚及佛法之興更為其祖營寺塔稱曰

氏寺而古俗始變矣參取舊事本紀、姓氏錄、續日本後紀、三代實錄

天台座主記文武帝大寶制置治部省掌本

姓繼嗣婚姻等事其屬有大小解部掌鞠問

譜第爭訟定其族姓次序凡諸氏無子者聽
 養四等以上親於昭穆合者民部省掌天下
 戶口名籍凡戶籍恆留五比遠年者依次除
 之唯庚午年籍不除解今義凡奴婢自訴為良
 者復原姓其被放從良者臨時處分解今集二
 年敕定諸國造之姓又敕甲子以後諸氏賜
 姓未定氏上者自忌寸以上皆申于官續日
本紀
 元明帝和銅七年以若帶日子姓觸成務帝
 諱改賜國造姓聖武帝天平十七年筑前豐

前肥前日向等七國無姓人等願賜姓者皆
 聽之孝謙帝天平寶字元年敕頃者百姓不
 知禮其姓名有犯天皇皇后御名者自後不
 得更然所司不糾依法科罪頃者以下
政事要略又令
 天下避內大臣太政大臣之名於是諸氏首
 史二姓皆改為毗登或賜以別姓○按毗登
又作人凡
 諸氏有人姓者原亦皆首史二姓避聖武帝
 及藤原不比等也據皇胤紹運錄皇年代略
 記如是院年代記等書帝諱首其說與政事
 要略合本紀考證偶不及此故闕而不書今
 據上諸書則帝諱為尋敕高麗百濟新羅人
 首無疑因註于此

等歸化已久、情願賜姓者悉聽之、又戶籍注

無姓及族字者、於理不穩、宜為改正、○按古書間有

記某氏族某者、意其疏屬未賜姓、帝重祚、神附其本籍、故注族字歟、附以備考、

護景雲二年、敕禁以真人朝臣為名字、光仁

帝立、敕改史首為毗登、彼此難分、氏族混亂、

於事不便、宜更從本字、續日本紀桓武帝延曆四

年制、諸氏觸先帝御諱及御名者、竝皆改易、

是後歷朝皆遵其制、又令并避外戚大臣姓名、

續日本紀續十一年、敕頃者京職恣改王

姓、輒著籍帳、於事商量、理不當、然自後宜先

注其姓、請官改之、類聚三代格十八年初、自孝謙

聽蕃族賜姓、所請輒許之、於是異族同姓者、

前後相仍、源流不明、賤族妄攀緣華胄、及廢

帝時、其爭倍甚、乃詔聚諸儒、撰氏族志、適會

國難、輟而不作、姓氏錄序至是詔曰、天下臣民、氏

族已蕃、或同源異流、或異宗同姓、譜牒改易、

不辨本支、宜布告天下、進本系帳、漢韓諸蕃、

皆同此例、唯載始祖、別祖、不列支流、繼嗣若

其源出貴族者、宜取宗中長者署奏之、凡諸
 氏族率多假濫、宜務確實、不許詐冒、自是始
 作姓氏錄、設勘系所、置勘本系使、以掌其事、
 日本後紀已而撰姓氏目錄、然主當者不辨真偽、
 恣申新意、加以神胤為上、皇胤為下、尊卑雜
 亂、莫由取信、識者病之、日本後紀弘平城帝大
 同四年、敕民間所傳倭漢總歷帝譜圖、以天
 御中至尊為首祖、而如魯王、吳王、高麗王、漢
 高祖等、接聯其後、倭漢雜糅、敢污天宗、愚民

不悟、謂為實錄、諸司官人所有、宜悉進于官、
 若有違令者、寘之重科、日本後紀當時錄氏族者、
 又有諸民雜姓記、諸蕃雜姓記等書、大概採
 擇不精、謬誤居多、皆識者所不取云、日本後紀
 記嵯峨帝立、詔中務卿萬多親王、右大臣藤
 原朝臣園人、參議藤原朝臣緒嗣、陰陽頭阿
 倍朝臣真勝等、續成姓氏錄、萬多等乃歷探
 古記舊史、詳覈本系、刪煩正錯、研精十年、上
 起神武、下迄弘仁、撰定一千一百八十二氏、

分爲三體、帝皇之胤、謂之皇別、神祇之胄、謂之神別、漢韓之族、謂之蕃別、其本系不明者、爲未定雜姓、以附于後、勒爲三十卷、至畿外諸國未進本系、故闕而不錄、弘仁六年書成、上之、氏族之源、於是始明矣。錄姓氏序先是舍人親王上日本書紀附帝王系圖一卷、其書今亡、其後系譜之書、有王子枝別記、神別記、神別雜氏記、氏族略記等。釋日本紀、本朝書籍目錄而今皆亡、佚不可考也、至萬多等之撰、捃摭羣言、削

除塗說、折中刪定、稱爲人倫之樞機、國家之

隲括也。錄姓氏序是後歷朝賜姓名氏、必考於斯

書、其僞冒假托者、得因以是正焉、當時又重

戶籍之法、其改籍貫者、非承官符則不得輒

移、其鄉貫姓族、皆有簿帳、以藏于官、故天下

諸氏、無非賜姓者、而民無姦濫也。參取續日本後紀三

代實錄淳和帝天長元年、式部省言、諸國郡

司進譜圖牒、或經數十年、或隔五六年、是以

世數促者、子孫懷漏脫之憂、改換頻者、官司

有勘會之煩、望請下知諸國、每六紀上進、務
 存核實、不致假濫、從之。類聚仁明帝承和
 十三年、勘王世所言、王族分居諸國者、未為
 人識、至于對問、以巧說家譜者為真、否則謂
 之偽、無人證引、只據文書、伏恐奸濫之輩、冒
 入宗枝、猷蠢之人、空漏皇胤、望請命所司、若
 有此類、速令言上、更加搜覈、以糾真偽、從之。
續日本先是諸王四世已上、賜姓者甚尠。皇
後紀至桓武帝、皇子母賤者、始賜姓列人臣。
紹運

姓胤姓源朝臣、出身皆敘六位。類聚隨才任用、省
胤封戶之費。神皇正統記時明日香親王奏請、除親
 王號、下同諸臣、不許復請諸子得賜姓、見許、
 蓋以王族漸衆、費用不給也、是後諸王孫爭
 效之、請賜姓者益衆。續日本淳和帝賜王孫
 高棟姓平朝臣。桓武平氏系圖平氏始此、至
 帝又效弘仁制、賜諸皇子姓源朝臣、皇子賜
 源氏、後竟為例。續日本後紀、神皇正
 統記、皇胤紹運錄、正迨清和

皇朝通志 卷 世 四

帝時以國用匱乏從四位上豐前王等上言
 停諸王之祿存救弊之計公卿遂奏議減定
 諸王季祿且立給祿之法以當時預祿者四
 百二十九人為定員隨闕補之其請賜姓者
 不在闕限蓋以外戚益盛故其待皇親加疏
 也三代實錄自白河帝後皇子多為僧而皇族衰
 減賜姓之制亦廢云中右記初自大化革官姓
 世職之制及大寶定今而舊法漸廢唯若中
 臣朝臣忌部宿禰掌神祇大伴宿禰佐伯宿

禰掌衛門高橋朝臣阿曇宿禰掌內膳采女
 朝臣掌采女水取連掌主水猶有不失舊職
 者參酌日本書紀古事記今義解其他舊族
 如猿女鏡作盾作神服麻績等諸神裔屬神
 祇官者後皆不預考選及平城帝時衰亡殆
 竭古語拾遺若物部之於刑部土師部之於治部
 我孫江人之於太膳馬飼造之於左右馬寮
 酒部之於造酒司爪工部之於造兵司之類
 世世隸屬號曰品部伴造或稱名負人然又

以族人散亡終至黜他姓人以補之今集解文德實

錄迨天長承和以降則繼嗣之法亦往往有

不依今制養異姓為後者也朝野羣載清原系圖大江系圖

高階自藤原氏世任攝關大臣而朝廷最貴

譜第門地視姓高下以定品流自公卿以下

至諸司率有世家選敘必依其家先例而他

姓不得復與焉公卿補任職原先是皇族受

姓者必賜朝臣故朝臣遂為上姓真人次之

如狛氏則稱為下姓皇胤紹運錄拾芥鈔其狛氏以下江家次第其

諸氏支屬任官者嫌其卑姓請改本宗上姓

者甚衆延喜中嘗敕禁之唯任外記史博士

主計主稅助近衛將監者特許改姓以列華

胄類聚符宣鈔凡朝官如源平藤原菅原大中臣

高階在原宮道諸氏及真人宿禰連公縣主

忌寸首諸姓必敘內階而又有朝外異內之

稱如車持等諸氏雖朝臣亦敘外階謂之朝

外其非朝臣而敘內階如清原真人之類者

謂之異內江家次第然自戚畹之貴也藤原氏門

族極盛榮華物語、橘氏雖早衰、而支派猶蕃

衍諸國野扶桑略院記、東鑑、承久記、梶川系圖、吉

而如源平二氏、則得征伐之權、以興其宗、昔今

物語、陸奧話記、中右記、保元物語、故四氏立

為大族、後世稱曰四姓、葉集、薩戒記、步色他氏

莫能及者、若氏上之法、後無復置之者、唯源

橘藤原菅原諸氏、猶補氏長者、以掌宗人紋

爵奏請之事、而源氏則以任辨學院別當者

補長者、橘氏則學館院別當為是定、至如藤

原氏、為攝關者、不待宣告、必得長者印、西宮朝

野羣載、外記、日記、山槐記、及橘氏衰、則是定、亦為藤原氏

所有矣、玉海、職原鈔、初延曆中、禁僧所生子假蔭

出身、類聚三其後僧子猶有冒異姓登仕者、

宇都宮自世官之制定也、他氏子弟干進仕

者、必為世家所養、冒姓借蔭、始得出身、自是

後、冒異姓者甚眾、貴賤皆習以為常、姓族漸

亂矣、外記、日記、中原系圖、藤原系、及朝政已

弛、而國郡宰吏、私占田宅、封殖子弟、強宗豪

族、蟠據郡鄉、各因居地、以為家號、武門名氏之濫、自是而始、然當時武人尤重門胄、家藏譜牒、諸家必係本氏、以別其族、又推其嫡宗、謂之總領、以帥宗黨、蓋古氏上戶主之遺法也、故分流雖蕃、而嫡庶本支、其別頗正、氏族之法、猶有存者矣、對酌源平盛衰記、太平自記、東鑑、尊卑分脈大意、自建武後、世歷喪亂、搢紳流落四方、武人盛衰不常、譜牒由是多亡、加之武人窮甚者、或沽家譜、而姦民買得、即冒其氏、號稱武人、於是

姓族益亂矣、太平記、保曆間記、鎌倉大後小

松帝時、左大臣藤原公定精譜學、著皇胤紹

運錄及尊卑分脈圖若干卷、如其所謂四姓、

採錄頗博、後世論系譜者、必考焉、然至古姓

舊族、竟不能詳、故古昔三別八姓之裔、多不

可考、云、參酌皇胤紹運錄、尊卑分脈大意

皇別

多氏、志紀氏、丹羽氏、雀部氏、紺口氏、園部氏、三家氏、小長谷氏、都祁氏、船木氏、長狹國造、

石城國造、阿蘇氏、火氏、大分氏、嶋田氏、小子部氏、縣氏、科野國造、印波國造、伊余國造、仲國造、皆神武皇子神八井耳命之後也。

多氏、訓○多諸書或作太、又意富、意保、於保、音訓皆通、今悉據本書舉之、以便考索、凡音訓相通者、有朝臣姓、有宿禰姓、有臣姓、朝

下亦皆倣此、臣貫于左京、姓氏錄、宿禰據三代實錄、臣日

本、書、紀、○按、氏、讀、為、宇、遲、姓、讀、

為、加、婆、禰、上、世、所、謂、宇、遲、者、概、其、職、名、家、世、

相、承、為、號、加、婆、禰、即、所、以、遲、別、尊、卑、也、宇、遲、加、

婆、禰、古、史、以、氏、姓、二、字、當、之、然、當、時、多、併、加、

字、義、亦、不、通、但、日、本、書、紀、諸、氏、賜、真、人、朝、臣、

等、必、書、曰、賜、姓、古、語、拾、遺、謂、中、臣、齋、部、等、為、

氏、朝、臣、宿、禰、等、為、姓、書、法、最、易、見、故、今、從、之、

其、古、史、併、氏、骨、書、氏、書、姓、者、亦、皆、仍、原、文、及、

後、世、播、紳、皆、有、家、號、以、別、其、族、而、國、郡、武、士、

亦、倣、之、各、因、其、居、地、以、為、稱、號、俗、謂、之、名、字、

而、子、孫、相、承、以、為、名、號、則、與、氏、無、異、世、竟、因、

稱、曰、氏、族、故、今、亦、適、宜、用、其、稱、然、古、者、氏、姓、

必、受、之、天、子、而、所、謂、名、字、皆、出、於、私、稱、不、可、

與、古、氏、相、混、讀、景行帝時、有多臣祖武諸木、

從西征有功、天智帝時、有多臣蔣敷、其妹嫁

百濟王子豐、壬申之亂、美濃安八磨郡湯沐

令多臣品治、從天武帝有功、十二年多臣改

賜朝臣、日本元正帝時、從四位下太朝臣安

麻呂為氏長即撰古事記者也續日本紀、平古事記序

城帝時有太朝臣入鹿為山陽道觀察使日本

後紀、官據仁明帝時右京人內藏大屬百濟

連清繼以誤冒它姓請復本姓多氏敕賜多

朝臣續日本紀清和帝時右京人外從五位下

多臣自然麻呂賜宿禰信濃諏方郡人右近

衛將監金刺舍人貞長改賜太朝臣三代實錄後

一條帝時有陸奧權小掾於保宿禰公親除目

大成自然麻呂者入鹿四世孫其子孫世為

伶官改賜朝臣多氏系圖、樂人補任、○按入鹿本姓多朝臣而子孫為宿

禰又賜朝臣堀河帝時有多資忠帝師之受

宮人曲資忠子近方孫好方源平盛衰記、東

鑑、○常陸風土記、有大臣族黑坂命、伐蝦夷

有功、又出雲風土記、有大臣為本國出雲郡

少領者、竝不詳志紀氏○按日本書紀、有磯城縣主、舊事本

然、二書此所不同、和有宿禰姓、有首姓、首姓貫

于右京及河內有縣主姓貫于河內和泉氏姓

錄、宿禰據仁明帝時有志紀宿禰永成為伯

者介、同時有河内志紀郡人志紀松取、蓋皆
 是族也、續日本紀清和帝時志紀郡人木工助
 志紀縣主貞成、同姓鼓吹佐福主、大初位上
 福依、竝賜宿禰、隸左京職、三代實錄
 尾張丹羽氏、臣姓、古事記聖武帝時、有丹羽臣
 真咋、授外從五位下、續日本紀
 雀部氏、有造姓、古事記有臣姓、臣姓貫于和泉、
○按東大寺正倉院文書、聖武帝時、有出雲人雀部君千主、君姓不詳、所系姑附于此、
 紺口氏、縣主姓、貫于河内、

園部氏、貫于右京、姓錄氏光孝帝時、有左衛門
 門部園部禪師麻呂、三代實錄或是族也、
 筑紫三家氏、○家又連姓、古事記天武帝時、有
 筑紫三宅連得許、日本紀桓武帝時、有筑前那
 賀郡人三宅連真繼、類聚國史
 小長谷氏、○或泊瀨武烈帝嘗置小泊瀨舍人、
日本紀本氏蓋出於此、有連姓、有造姓、古事記
日本紀仁德帝時、有小泊瀨造祖宿禰臣、賜名
 賢遺臣、天武帝十一年、小泊瀨造賜連、日本紀

瀨字據釋 又有直姓、淳和帝時、有小長谷直

淨足、及遠江采女、小長谷直、類聚或亦同

族也、按除目大成、堀河帝時、有遠江少

都祁氏、或作關、直姓、古事仁德帝時、有關

雞稻置大山主、允恭帝時、關雞國造、獲罪皇

后、貶姓為稻置、日本或皆是族也、○延喜式

取都下文、國造氏、童女七歲、以上者、充之、座摩

義、同姓、常親、都下、即都介、據此、都介、稻置之

後、復賜國造姓、其裔世為座摩社神主也、然

本氏系圖、係天津彦根命之後、其說

伊勢船木氏直姓、古事又有單稱船木直者

疑是族也、稱德帝時、有越前員外掾船木直

馬養、續日本紀、桓武帝時、有越前人船木直安麻

呂、馬養子也、類聚醍醐帝時、有雅樂小允船

木氏有、吏部王記、朱雀帝時、有右近衛將曹船木

利用、小野宮年一條帝時、有讚岐掾船木宿

禰種守、除目大益、後改賜宿禰也、

長狹國造、

道與石城國造、古事其族有於保磐城臣、稱

德帝時、陸奧磐城郡人外正六位上、大郡山

際賜姓於保磐城臣桓武帝時、有女孀外從

五位下於保磐城臣御炊續日本紀○按於

國造之裔、以本宗多氏、神別天津彦根後亦

有石城國造舊事與此異族、

阿蘇氏、出自神八井耳子建磐龍命、阿蘇有

君姓古事記有國造、建磐龍裔孫速瓶玉命、崇

神帝時、為阿蘇國造舊事本紀、參取阿蘇系

神八井耳孫、然神八井耳以綏靖帝四年薨、

至崇神帝時、殆五百年、即速瓶玉蓋神八井

耳數世宣化帝時、有阿蘇仍君○仍字掌河

內茨田郡屯倉日本書紀朱雀帝時、有小判事阿

蘇公廣遠、後改宿禰宿禰、據政事要略○按

氏、據此、後又一條帝時、有右少史阿蘇有鄰、

改賜朝臣也、皆其裔也、建磐龍既為明神、列于祀典、

外記皆其裔也、建磐龍既為明神、列于祀典、

延喜子孫蕃衍、末流甚滋、其本宗宇治氏世

為阿蘇神社大宮司、稱國造阿蘇古文書、後

醍醐帝時、宇治惟直、惟澄、勤王有勇功太平

西古文書、其族有上嶋、惠良、土田、坂梨、光永、

編年錄、

竹崎子守等氏

鎮西古文書編年錄阿蘇家傳

火氏

武作肥

出自神八井耳之後志貴多奈彦

命

舊事本紀

有君姓古事有直姓有無姓者錄姓氏

有國造

舊事本紀

直姓貫于大和無姓者貫于右

京錄姓氏

崇神帝時火國有土蜘蛛打猴者抗

命不服帝乃遣志貴多奈彦子建緒組討之

有功因賜姓火君封為國造

舊事本紀引肥後釋日

土記通建緒組作遲男江誤今據釋日本紀訓欽

明帝時遣火君率兵一千守百濟要地者即

是族也

日本書紀

聖武帝時有薩摩主帳肥君廣

龍

東大寺正倉院文書○本書郡名闕

大分氏

碩田

或有君姓古事

有國造舊事本紀○本

書云火國造大分國造同祖今檢前後文無

八井耳後則國造為其同族無疑本書蓋脫之也故今揭于此天武帝壬申

功臣有大分君惠尺及稚見日本書紀

鳴田氏貫于右京

錄姓氏

有朝臣姓文德實錄有臣

姓神八井耳五世孫仲臣子上成務帝時討

尾張嶋田縣惡神平之因賜號嶋田臣錄姓氏

嵯峨帝時、嶋田臣清田賜朝臣、實錄後為少

外記、類聚符宣鈔清和帝時、有少外記嶋田朝臣

忠臣、以文學顯、三代實錄宇多醍醐朝、有嶋田房

年、良行相踵為外記官、類聚符宣鈔

小子部氏、有宿禰姓、貫于左京、有連姓、貫于

和泉、錄氏神八井耳苗裔、螺羸仕雄略帝、帝

嘗詔后妃親桑、乃命螺羸聚蠶兒、螺羸誤聚

嬰兒獻之、帝大笑曰、汝宜自養、因賜姓小子

部連、日本書紀天武帝稱兵、尾張國司小子

部連鉏鉤率眾二萬歸之、後自殺于山中、十

二年小子部連賜宿禰、日本書紀嵯峨帝時、武藏

人正六位下小子宿禰身成、改貫左京、日本書紀

仁明帝時、從五位下小子連諸主為典縫、續日本書紀

本後醍醐帝時、有雅樂助小子百雄、吏部王記

縣氏、多朝臣同祖、仁明帝時、右京人勘解由

主典縣主前利連氏益賜姓縣連、續日本書紀堀

河帝時、有縣信久守貞、朝野羣載蓋是族也、

科野國造神八井耳裔孫建五百建命、崇神

帝時為國造舊事本紀○本書以建五百建

見其裔有金刺舍人他田舍人二氏他田舍人據萬

葉集○按二氏蓋以國造之族給事欽明以敏

達二朝為舍人因氏焉者故二氏至大化以敏

後猶稱國造也光仁帝時信濃水内郡人女

姑併書于此孺外從五位下金刺舍人若嶋等八人賜連

姓○按拾芥鈔有金刺宿也其族又有居駿河

者孝謙帝時有益頭郡人金刺舍人麻白續

紀本同時有信濃少縣郡人國造他田舍人大

島供防人役時萬葉集○按續日本紀元明帝

或同族也亦桓武帝時駿河駿河郡大領金

刺舍人廣名為國造續日本紀清和帝時有他田

舍人藤雄任少縣郡權少領三代實錄國造之胤

在本國者曰造祝稱上原氏初曰世為諏訪

下社神宮造祝金刺氏之後亦為下社大祝

東鑑大祝部金刺盛久有歌名作者其族有

諏訪上泉手塚諸氏作者部類東鑑源平盛

關東古諏訪郡人金刺光盛稱手塚太郎隸

源義仲以武勇著源平盛

印波國造○波又神八井耳八世孫伊都許

利命應神帝時為國造○大皇孫手不取神

伊余國造志貴多奈彥子速後上命成務帝

時為國造舊事本紀

仲國造神八井耳遠孫建借馬命○馬或崇

神帝時受詔征東國誅賊魁夜尺斯等成務

帝時為國造舊事本紀參取常陸風土記○

見前據此國造之族又有仲臣姓也

茨田氏尾張部氏豐島氏下家氏松浦氏江

氏皆神武皇子彥八井耳命之後也○按姓

彥八井耳為神八井耳子故茨田以下諸氏皆係之神八井耳今據古事記以彥八井耳

為神武皇子而姓氏錄諸氏係彥八井耳之後者皆序于此

茨田氏有宿禰姓貫于河內有連姓貫于右

京及山城姓氏彥八井耳遠孫衫子○衫子

本作菅呂母能古一仁德帝時造茨田堤有功

因以為氏日本書紀參其裔茨田連小望有

女為繼體帝妃天武帝十二年茨田連賜宿

禰日本書紀文武帝時茨田足島賜連聖武帝時

外從五位下茨田弓東同姓從八位上牧野

賜宿禰續日本紀清和帝時有右近衛將曹茨田

連真額三代實錄三條帝時有左近衛將監茨田

重方小右記皆其後也

尾張部氏貫于河內

豐島氏豐又連姓貫于攝津

下家氏連姓貫于河內

松浦氏浦一作津首姓貫于攝津

江氏首姓首一作人又貫于河內系出彥八井耳

七世孫來目津彥姓氏錄

新田部氏猪使氏竝安寧皇子磯城津彥命

之後也

新田部氏宿禰姓貫于左京姓氏錄齊明帝時

有舍人新田部連米麻呂天武帝十二年新

田部連賜宿禰日本書紀陽成帝時有園池正新

田部宿禰安河三代實錄

猪使氏宿禰姓貫于左京姓氏錄天武帝十二

年猪使連賜宿禰日本書紀又有伊賀須知稻置

那婆理稻置、三野稻置、皆磯城津彥之後也、
葦井稻置、血沼別、多遲麻竹別、三氏俱懿德
皇子武石彥奇友背命之後也、古事記○本
書作多藝志

比古命、今從
日本書紀

大春日氏、和邇部氏、邇宗氏、壹志氏、粟田氏、
山上氏、柿下氏、大宅氏、飯高氏、武射氏、根氏、
村氏、度守氏、壬生氏、葦占氏、大坂氏、多紀氏、
知多氏、都努山氏、羽束氏、葉栗氏、丈部氏、吉
田氏、真野氏、安那氏、額田氏、野中氏、久米氏、

小野氏、櫛井氏、布留氏、物部氏、櫛代氏、井代
氏、津門氏、近淡海國造、俱孝昭皇子天足彥
國押人命之後也、

大春日氏、朝臣姓、貫于左京、姓氏錄又有春日

朝臣姓、有春日臣姓、有春日倉首姓、有春日

部、續日本紀、春日臣春
日部、據續日本後紀天足彥國押人裔孫

仲臣命家甚富、委糟為堵、仁德帝臨幸其家、

因賜號糟垣臣、後改春日、姓氏錄○糟垣、敏
春日、訓讀相近

達帝時、有春日臣仲君女為帝妃、天武帝十

二年大春日臣賜朝臣錄日本書紀○按姓氏

年春日為大春日也然本書已書大春日其說

不合附考文武帝時救僧辨紀還俗賜姓春日

倉首名老稱德帝時左京人從七位下春日

藏毗登常麻呂等二十餘人賜春日朝臣續

本紀仁明帝時越前丹生郡人大學助教春日

部雄繼等賜春日臣除邊籍貫附左京續

紀文德帝時雄繼為大學博士賜大春日朝

臣文德實錄清和帝時左京人參河介壹志宿禰

吉野改賜大春日朝臣三代實錄朱雀帝時有曆

博士大春日朝臣弘範華山帝時有左大史

大春日良辰一條帝時有少外記大春日仲

明外記日記○按三代實錄清和帝時有上

總夷瀕郡人春日直黑主賣拾芥鈔有春

日連二族竝不詳和邇部氏○一作丸部邇有朝臣姓有宿禰

姓有臣姓竝貫于左京又有無姓者貫于左

右京及山城攝津朝臣系出彥國押人子彥

姥津命三世孫難波宿禰宿禰系出彥姥津

四世孫矢田宿禰、臣系出彥姥津五世孫米
 餅搗大使主命、無姓者、左京系出彥姥津子
 伊富都久命、右京出彥國押人三世孫彥國
 葺命、山城出米餅搗大使主、姓錄○米餅搗一本作難波
 宿禰、雄畧帝時、有春日和珥臣深目、即是族也、
 壬申之亂、和珥部臣君手從天武帝有功、日本
書紀稱德帝時、左京人甲斐員外目丸部臣宗
 人等賜宿禰、從六位下和邇部臣男綱等賜
 朝臣、續日本紀仁明帝時、丹波人右近衛將曹和

邇臣龍人、改貫左京、同時有讚岐三野郡人
 丸部臣明麻呂、為本郡大領、以孝著、續日本紀
 清和帝時、左京人雅樂少允和邇部大田麻
 呂賜宿禰、陽成帝時、因幡法美郡人左大史
 丸部臣百世、移貫于右京、三代實錄醍醐帝時、有
 近江史生丸部安澤、類聚符宣鈔一條帝時、有阿
 波大目丸部宿禰秋時、除目大後嵯峨帝時、
 有右近衛少監和爾部忠棟、平戶記○按天台座主記、僧義
 真姓丸部連、相模人、除目大成鈔、一條帝時、
 有但馬大目丸部首直高連首二姓、蓋亦同

附族也、姑于此

邇宗氏、出自和邇部臣、清和帝時、播磨飾磨

郡人播磨博士和邇部臣宅嗣、同姓播磨權

醫師宅貞等、改賜姓邇宗宿禰三代實錄

壹師氏師、一作市、有君姓、古事記有宿禰姓文德

實錄、三代實錄垂仁帝時、有阿佐賀國市師縣主祖

建皆古命大神宮儀式帳、倭姬世記、疑其祖也、聖武帝時、

有壹師君族古麻呂、授外從五位下續日本紀醍

醐帝時、有勘解由判官壹志類聚符宣鈔作範、朱

雀帝時、有女史壹志宿禰篤子外記一條帝

時、有上野大掾壹師公倫明除目大成鈔

粟田氏、朝臣姓、貫于右京及山城、系出彥國

葺姓氏錄或稱春日粟田臣、天武帝時、有粟田

臣真人最著、十二年粟田臣賜朝臣日本書紀廢

帝時、內藥佑粟田臣道麻呂賜朝臣、稱德帝

時、近江坂田郡人粟田臣乙瀨、左京人從八

位上粟田臣弟麻呂等、竝賜朝臣續日本紀堀河

帝時、有掃部少屬粟田久倫外記其後有粟

粟田氏續日本紀

田朝臣久盛、事吉野行宮、新葉和歌集

山上氏、作於上或有朝臣姓、有臣姓、朝臣貫于

右京、續日錄、臣姓神龜天平間、有筑前守山

上臣憶良、以和歌著、萬葉集稱德帝時、右京人

從五位上山上臣船主等十人、賜朝臣、續日

柿下氏、作本下或朝臣姓、貫于大和、敏達帝時、

以宅邊有柿樹、因為氏、錄姓氏天武帝十二年、

柿本臣賜朝臣、書日本持統文武間、有歌聖柿

本朝臣人麻呂、萬葉集、古今和歌集、序醍醐帝時、有肥

後權少目柿下朝臣利見、除目大成鈔、○按

羽帝時、有柿本宿禰某、宿禰不詳所系、姑附于此、

大宅氏、作家宅或有朝臣姓、日本書紀有臣姓、錄姓氏

又有大宅水取朝臣姓、續日本臣姓、貫于山

城河內、錄姓氏反正帝時、有大宅臣祖木事、姓○

氏錄云、米餅搗子、木事命、即是人也、天武帝十二年、大宅臣賜

朝臣、書日本元明帝時、大家朝臣豐德、為大神

宮大官司、二所大神孝謙帝時、有大倭添上

郡大宅鄉戶主大宅朝臣、可是麻呂、東大寺

帳仁明帝時山城人遣唐史生大宅臣福主

及典藏大允大宅水取臣繼主等並賜朝臣

繼主先亦出自木事續日本後紀○木事光

孝帝時有左京人大宅朝臣宗長三代實錄後一

條帝時有正六位上大宅朝臣守光朝野鳥

羽帝時有淡路大掾大宅朝臣守友正六位

上大宅朝臣守久除目大成鈔

伊勢飯高氏古事記有朝臣姓有宿禰姓有公

姓續日本紀朝臣後紀初曰飯高縣造垂仁帝時

有飯高縣造乙加豆知命大神宮儀式即其

祖也聖武帝時有伊勢飯高郡采女飯高君

笠目○又作以廉謹貞潔見稱朝廷錄其族

縣造等皆賜姓飯高君稱德帝時飯高郡人

正八位上飯高公家繼等賜宿禰光仁帝時

正六位上飯高公若舍人及同姓右衛士府

生大人左兵衛府生諸丸等並賜宿禰續日本紀

仁明帝時左京人外從五位下飯高宿禰全

雄弟高等五家及伊勢人遠江介飯高公常

比麻呂、第五百繼、甲斐目飯高宿禰濱永等

二十餘人、皆賜朝臣、貫附左京、續日本清和後紀

帝時、外從五位下飯高朝臣貞宗、改賜內階、

越前敦賀郡人右大史伊部造豐持、改賜飯

高朝臣、貫于左京、伊部造亦同族也、三代實錄

條帝時、有大炊少屬飯高舉用、外記

武射氏、射○或作牟邪有臣姓、古事記有國造成

務帝時、彥意祁津、故○本書作彥立入部都誤、今訂之、彥意祁都即彥

也、姥津孫彥忍人命、為武社國造、舊事本紀稱德帝

時、陸奧牡鹿郡人外正八位下春日部奧麻

呂等、賜姓武射臣、續日本紀陽成帝時、有右近衛

將監武射臣助守、三代實錄

根氏、連姓、貫于和泉、姓錄天武帝時、有根連

金身、日本書紀

村氏、公姓、貫于山城、姓錄元明帝時、有大倭

宇太郡人村君東人、續日本紀○本書元正

諸君鞍男、諸與村訓醍醐帝時、有伊勢權大

司、讀相近、蓋是族也

月村君當世、除目大成鈔

度守氏、首姓、貫于山城、

壬生氏、臣姓、貫于河内、

葦占氏、臣姓、貫于和泉、錄姓氏

大坂氏、臣姓、

多紀氏、臣姓、古事記朱雀帝時、有丹波目代多

紀朝臣基影、國老多紀臣某、東寺古文書蓋是族

也、

知多氏、臣姓、

都努山氏、或○都努、臣姓、古事記聖武帝時、有外

從五位下角山君内麻呂、續日本紀清和帝時、有

外從五位下角山公成子、三代實錄疑亦同族也、

羽束氏、首姓、貫于攝津、系出彥姥津、錄姓氏天

武帝十一年、羽束造賜連姓、疑亦同族也、日本

紀書

葉栗氏、○葉作羽又臣姓、貫于左京、系出彥姥津

三世孫建安命、又有無姓者、貫于山城、系出

彥國葦、錄姓氏天武帝時、有尾張葉栗郡人小

乙下葉栗臣人麻呂、建本郡光明寺、塵光仁

帝時山背乙訓郡人外從五位下羽粟翼賜

臣姓續日本紀日文德帝時有從五位下羽粟臣乙

貞文德實錄重安命又百無姓音貫于山越系出

丈部氏貫于左京系出彥姥津系出義教系

吉田氏貫于左京有宿禰姓有連姓系出彥

國葦崇神帝時任那以國內屬請將軍鎮其

地帝乃命彥國葦孫鹽乘○一作無津彥往鎮治

焉彼俗謂宰為吉子孫因為吉氏錄姓氏鹽乘

津彥八世孫達率吉大尚少尚兄弟有懷土

心相踵歸朝大尚世傳醫術兼通文藝天智

帝授小山上大尚世傳以下子孫居寧樂田

村里文武帝時命僧惠俊還俗賜姓名吉宜

授務廣肆聖武帝時取其原姓與地名賜從

五位上吉宜及從五位下吉智首姓吉田連

續日本紀後紀參取姓氏錄云鹽乘津彥男從五位下

知須居田村里知須智首國音誤嵯峨帝時右

京人正六位上吉田連宮麻呂等改賜宿禰

日本紀其族有興世氏仁明帝時右京人左京

亮吉田宿禰書主同姓越中介高世等改賜

姓興世朝臣續日本後紀○文德實錄云書

誤主本姓吉田連其先出自百濟

真野氏貫于右京錄姓氏有宿禰姓三代實錄有臣

姓系出彥國葺彥國葺生大口納命大口納

生難波宿禰難波宿禰生大矢田宿禰從神

功皇后征新羅為鎮守將軍留戍其地娶國

王猶榻女生二子佐久命武義命佐久九世

孫和珥部臣烏務大肆忍勝等居近江滋賀

郡真野村因為氏錄姓氏清和帝時右京人主

計少允真野臣永德及同姓道緒等竝賜宿

禰大和山邊郡人上野權少掾民首廣門同

姓右京人太宰醫師方宗無位方永等改賜

真野臣三代實錄帝親曾孫

安那氏○或作穴有臣姓古事記有公姓錄姓氏有國

造彥國葺孫八千足尼景行帝時為穴國造

舊事本紀公姓貫于右京亦出自彥國葺錄姓氏光

仁帝時有采女正七位上安那公御室及備

後葦田郡屋穴國鄉人穴君弟君續日本紀

記清和帝時有備後人安那君吉賣三代實錄

額田氏有宿禰姓類聚國史有國造彥國葦孫大

直侶字命成務帝時為額田國造舊事本紀

國葦作嵯峨帝時有外從五位下國造額田

宿禰今足類聚國史蓋其後也

野中氏貫于右京出彥國葦

久米氏臣姓貫于大和系出彥國押人五世

孫大難波命○大難波蓋

小野氏有朝臣姓貫于左京及山城系出米

餅搗大使主有臣姓貫于山城系出彥國押

人七世孫人華命錄姓氏雄略帝時有春日小

野臣大樹日本書紀即是族也敏達帝時大德小

野臣妹子家于近江滋賀郡小野村因氏焉

姓氏錄○按日本書紀雄畧朝有春日小野

臣見上則非妹子始居小野村唯其稱小野

氏或始于妹也據續日本後紀承和四天

武帝十二年小野臣賜朝臣日本書紀其族世顯

于朝日本書紀仁明帝時小野朝臣篁以文

學知名、初小野氏祖神社在滋賀郡、春秋二
 祀、朝廷特聽小野氏不須官符詣其社、至是
 敕大春日、布留粟田三氏五位已上、亦準小
 野氏聽之、續日本後紀陽成帝時、山城愛宕郡小
 野鄉人勘解由次官小野朝臣當岑、改貫左
 京、三代實錄篁七世孫隆泰、一作孝泰為武藏守、
 生義隆、義隆始居相摸橫山邑、生資、隆時、資、
 時、資稱猪股氏、支屬自是蕃衍、曰橫山黨、曰
 猪股黨、所謂武藏七黨者也、橫山黨有擇田、

海老名、藍原、平子、野部、山崎、鳴瀨、古郡、小倉、
 大貫、葛生、葛作菅糟屋、由木、室伏、大串、千與
 宇、伊平、伊作帷一檉生、古市、田谷、八國府、山口、
 愛甲、小子、平山、石川、古澤、小野、古莊、中村、田
 名、小澤、小股等族、猪股黨有荏原、河勾、太田、
 人見、甘糟、藤田、山崎、岡部、内島、蓮沼、男衾、井
 沼、橫瀨、野部、木里、瓦園、瓦作尾一無動寺、友莊、
 木戶、瀧瀨、早内、野内、幕土、飯塚等族、建武中
 幕土助國、飯塚能尚、竝屬新田義貞、所謂十

六騎之一也。小野系圖、佐野本小野系圖、武藏七黨系圖、○按小野系圖、謂

其先出自敏達、皇子春日王者誤、皇

櫛井氏。○又作壹比韋貫于左京、有朝臣姓、有臣姓、

系出米餅搗大使主。姓氏錄、朝臣天武帝十

二年、櫛井臣賜朝臣。日本書紀清和帝時、有僧相

應近江淺井郡人櫛井氏、即是族也。帝王編

匠畧朱雀帝時、有右馬少屬櫛井直幹。外記

一條帝時、有主計助櫛井恒清。吏部

布留氏、宿禰姓、貫于大和、系出米餅搗大使

主、米餅搗生木事命、木事生市川臣、仁德帝

嘗詣布都努斯神社、置市川臣於石上布留

高庭、以為神主、其裔孫武藏臣。○武藏與武射、國音相通、

本族有武射臣、即是、而本書失其名也、齊明帝時、有故稱物部

首、又神主首、竟失臣姓、天武帝時、正五位上

物部首日向、因社地名、改姓布留連、十二年

改連賜宿禰。姓氏錄、天武以下參取日本書紀、○按姓氏錄、本條有訛謬、語

大意隱晦、不明、今姑取其清和帝時、有內藏少

允布留宿禰今道。三代實錄、古朱雀帝時、有

今集目錄、古朱雀帝時、有

土佐守布留宿禰有平、類聚符宣鈔村上帝時、有

防鴨河使判官布留千道、小野官年中行事

物部氏、有公姓、續日本書紀有首姓、姓氏錄公系

出建安命、姓氏錄參取上野山名首姓貫于

攝津系出米餅搗、又有無姓者、貫于攝津河

內和泉、皆與首同祖、有網部物部、納又細一作

貫于和泉、布留宿禰同祖、姓氏錄垂仁帝時、有

春日臣族市河臣、掌石上神寶、是為物部首

祖、按東大寺古文書、及正倉院文書、文武

聖武帝時、有出雲人物部首石足、村上帝時、有丹波擬大領右近衛物部首惟範、及同族

任檢校主帳者、疑皆是族也、然姓氏錄景行

物部首有二流、實難分明、故附于此帝時、有物部君祖夏華、日本書紀聖武帝時、有上

野人物部君千足、上野金井澤碑稱德帝時、上

野甘樂郡人外少初位下磯部牛麻呂等、賜

姓物部公、續日本紀○按神龜碑有鍛師磯

集甘樂郡有貫前神社磯部氏世掌其祀、蓋是族也、附以備考、

櫛代氏造姓、貫于和泉、布留宿禰同祖、聖武

帝時、有釧直諸人、聖武代以下、東寺文書、疑是

族也、言陰直苗人

井代氏、臣姓、貫于攝津、米餅搗大使、主裔孫

有居大和添上郡井手村者、因氏焉、訓讀相

通、

津門氏、首姓、貫于攝津、出自米餅搗、錄姓氏

近淡海國造、古事記醍醐帝時、有近江人右衛

門府生國造恒世、朝野羣載或其裔也、

高生氏、孝昭帝之後也、仁明帝時、近江人彈

正大弼島朝臣真行、鳥朝一賜姓高生朝

臣、續日本後紀○按高生氏、疑彥國押人

高志利波氏、作礪利或臣姓、孝靈皇子日子刺

肩別命之後也、古事記聖武帝時、有越中人礪

波臣志留志、為越中員外介、續日本紀

葦北氏、國前氏、竝孝靈皇子彥五十狹芹彥

命之後也、

葦北氏、作北又有君姓、日本書紀有國造五十狹

芹彥、備津彥子三井根子命、景行帝時、為

葦北國造、舊事本紀敏達帝時、有國造阿利斯登

子曰羅長於百濟帝徵而謀任那事為百濟

人所殺帝收其賊賜葦北君甘心焉日本書紀

豐國前氏有臣姓有國造古事記舊成務帝

時五十狹芹彥六世孫午佐自命為國造舊事

本紀○按古事記以豐國前臣為日聖武帝

時有豐後球珠郡領國前臣龍麻呂東大寺正倉院

文書

宇自可氏海氏俱孝靈皇子彥狹島命之後

也

針間宇自可氏○古事記臣姓貫于右京氏姓

錄針間據廢帝時有畫工正宇自可臣山道

續日朱雀帝時有左近衛番長宇自加友興

將門一條帝時有雜色長宇自可春利三條

帝時有番長宇自可吉忠小右皆其後也其

族有春庭氏笠氏笠氏據文仁明帝時右京

人宇自可臣良宗賜姓春庭宿禰續日本

德帝時正七位下宇自可臣武雄改姓笠朝

臣文德實錄清和帝時正六位上宇自可臣吉人

賜姓笠朝臣、陽成帝時、右京人、外從五位下

宇自可、臣秋田等、亦賜笠朝臣、三代實錄笠朝臣、

又有出稚武彥者、見下、上帝時、有中宮戶座

笠宿禰犬丸、不詳何族、故附于此、

海氏、直姓、舊事本紀仁德帝時、有吉備海部直黑

日賣、古事記雄略帝時、有吉備海部直赤尾、敏

達帝時、有吉備海部直難波及羽島、日本書紀蓋

是族也、稱吉備疑出自稚武彥、實不詳所系、據其

武彥之後、無海部氏者、唯舊事本紀彥狹下島

文角鹿國造、本紀係稚武彥之後、而古事記以角鹿海直為日子刺肩別之後、歟、今姑據

本紀揭書于此、

笠氏、三尾氏、廬原氏、卯南野氏、真髮部氏、角

鹿氏、吉備氏、下道氏、上道氏、賀陽氏、三野氏、

苑氏、皆孝靈皇子稚武彥命之後也、

笠氏、出自稚武彥孫鴨別命、有朝臣姓、有臣

姓、竝貫于右京、姓錄○按日本書紀、鴨別

字、說見吉備氏條、又有國造、舊事本紀鴨別事、應神帝、帝

巡幸吉備、登加佐米山、乍有飄風墜御笠、帝

大日本史卷之...

異之、鴨別白、是山神欲獻土物耳、因獵大獲、

帝悅、賜名賀佐、錄姓氏封以吉備波區藝縣、是

為笠臣祖、日本書紀鴨別八世孫、笠三枚臣、為笠

國造、舊事本紀天武帝十二年、笠臣賜朝臣、日本書紀

元明帝時、笠朝臣麻呂為美濃守、以開吉蘇

山道、賜封七十戶、田六町、稱德帝時、山背宇

治郡少領、笠臣氣多麻呂賜朝臣、備前人外

少初位下三財部毗登方麻呂等、改賜姓笠

臣、續日本紀仁明帝時、飛驒人三尾臣永主、右京

史生三尾臣息長等、賜笠朝臣、貫附右京、續日本紀

本後紀清和帝時、安藝采女凡直、負刀自賜姓

名笠朝臣宮子、隸左京職、宮子中務少丞、笠

朝臣豐主女、幼而淪落、失父氏、編凡直籍、預

采女之貢、其宗人笠朝臣數道等、證其事、仍

復原籍、觀音寺言、寺奴清貞等、從五位下、笠

朝臣麻呂五世孫也、麻呂天平中、為造寺使、

私寺家女生子、即隨母家為奴、請準格旨、從

良貫附筑後竹野郡、許之、陽成帝時、左京人

大日本史卷之...

左大史印南野臣宗雄言其先出自吉備武
彥二子御友別武彥三子鴨別實為笠氏祖
兄弟子孫宜賜同姓乃敕賜宗雄等五人姓
笠朝臣三代實錄一條帝時有少內記笠吉仲左
馬屬笠為政後冷泉帝時有主稅權允笠教
良近衛帝時有主計少屬笠國政外記蓋皆
是族也○按笠氏有二流即吉仲以下實不
知何族然本氏出自鴨別者尤著故此
序于其居若狹者自元正帝時世為若狹彥
神社社務後世稱牟久氏常陸增井正宗寺
文書笠氏系圖

圓融帝時有右大史牟久忠陳類聚符
宣鈔蓋其

族也

三尾氏臣姓貫于飛驒笠朝臣同祖續日本
後紀

廬原氏○又作五百原系出稚武彥孫吉備武彥有

朝臣姓有公姓有國造公姓貫于右京姓氏
錄朝

臣據續日本後紀景行帝時吉備武彥從日

本武尊東征日本書紀抵阿倍廬原復命之日詔

賜廬原地姓氏錄其子意加部彥命成務帝時

為國造舊事本紀仁明帝時右京人遣唐譯語廬

原公有子及兄柏守等賜朝臣

續日本後紀按古事記

以五百原君為日子刺肩別之後與此不合今姑從姓氏錄舊事本紀

印南野氏臣姓系出吉備武彥稱德帝時播

磨守日下宿禰子麻呂言部下賀古郡人外

從七位下馬養造人上款曰人上之先出吉

備武彥本姓上道臣仁德帝時上道臣息長

借鎌始居賀古郡印南野六世孫牟射志善

養馬事上宮太子為馬司是以庚午年籍注

馬養造請因居地改賜姓印南野臣國司覆

審所言有實乃許之

續日本紀○本書吉備武彥作吉備津彥古事

記以上道臣為吉備津彥後亦同此說然宗雄自言吉備武彥後據此本書恐誤故訂之

真髮部氏初曰白髮部續日本紀貫于右京系出

吉備武彥錄姓氏桓武朝以嫌于光仁帝諱改

為真髮部續日本紀陽成帝時有備中窪屋郡人

真髮部成道三代實錄或是族也

角鹿氏敦賀又作有直姓續日本紀有國造稚武彥

孫建功狹日命成務帝時為國造舊事本紀稱德

帝時有敦賀直島麻呂授外從五位下續日本紀

淳和帝時、有角鹿直福貴子、賜越前正稅稻

五百束、國類聚清和帝時、有角鹿直真福子、授

外從五位下、三代實錄蓋皆國造之後也、○按古

角鹿海直、蓋與此一姓、然以為日子、刺肩別

之後、其說不合、豈以兄弟故致誤乎、附待後

考、後嵯峨帝時、有民部丞角鹿實直、平戶後

村上帝時、有但馬權守角鹿辰氏、園太曆

吉備氏、出自吉備武彥子御友別命、有朝臣

姓、貫于左京、有臣姓、貫于右京、武彥子、據三

代實錄、○按姓氏錄、作稚武彥孫御友別、而

下道朝臣條云、稚武彥孫吉備武彥、據日本

書紀、吉備武彥從日本武尊東征、實在景行

朝、而御友別事、應神帝、自景行至應神、既歷

四世、即御友別、蓋吉備武彥子、若非稚聖

武彥孫也、三代實錄說近是、故今從之、

武帝時、下道臣真備、及下道臣乙吉備、真事、

廣等、竝賜姓吉備朝臣、續日本紀真備後為右大

臣、兼備中下道郡大領、本朝同時有出雲神

門郡人吉備部臣子人、東大寺正書稱德帝時、

河內志紀郡人岡田毗登、稻城、改賜吉備臣、

續日本紀下道氏、系出御友別、有朝臣姓、有臣姓、有國

造日本書紀朝臣貫于左京錄姓氏應神帝幸吉備

御友別侍奉甚謹帝悅為割吉備封其子弟

長子稻速別下道國造即下道臣祖中子仲

彥加夜國造為上道臣祖季子弟彥三野國

造為三野臣祖按日本書紀參取舊事本紀一

名初稚武彥從其兄五十狹芹彥綏撫吉備

子孫多居其地至是其族益滋古事記日及

雄畧帝時下道臣前津屋有罪伏誅其族七

十人并誅天武帝十二年下道臣賜朝臣日本

書紀聖武帝時有下道朝臣人主任賀陽郡大

領仙覺萬葉鈔引孝謙帝時下道臣色夫多

賜朝臣續日本紀

上道氏仲彥子多佐臣為上道國造舊事本紀即

上道臣祖也雄畧帝時以上道臣田狹為任

那國司其妻入宮生星川王及帝崩星川作

亂上道臣族帥戰艦四十艘援之已而星川

事敗焚死清寧帝讓責上道臣等奪其所領

山部日本書紀孝謙帝時備前國造上道正道及

上道臣斐太都、竝賜朝臣、斐太都尋為吉備

國造、續日本紀朱雀帝時、有左近衛將監上道守

代、外記後世其族有為加賀白山神主者、山

記、歷名賀陽氏、○賀陽又即加夜國造之裔、有朝臣

姓、有臣姓、稱德帝時、備中賀陽郡人、外從五

位下賀陽臣小玉女等十餘人、賜朝臣、續日本紀

清和帝時、賀陽郡人左大史賀陽朝臣宗成、

同姓備中權博士真宗等、改隸左京職、三代實錄

宇多帝時、有賀陽郡大領賀陽豐仲、弟統領

豐蔭、吉備津宮禰宜豐恆、扶桑略記後鳥羽帝時、

有周防在廳官賀陽宿禰重俊、弘方、東鑑蓋是

族後改姓也、

三野氏、臣姓、日本書紀桓武帝時、有三野臣廣主、

淨日女、續日本紀

苑氏、直姓、應神帝時、封御友別兄浦凝、別於

吉備苑縣、是為苑直之祖、日本書紀又有臣姓、蓋

同族也、持統帝時、有園臣生羽女、萬葉集聖武

同族也、持統帝時、有園臣生羽女、萬葉集聖武

同族也、持統帝時、有園臣生羽女、萬葉集聖武

同族也、持統帝時、有園臣生羽女、萬葉集聖武

